

Quamq; fidem dedimus, vel quæ promissimus ore,
Ducimus ancipiti non violanda dolo.
Siue petenda laboriferis incurfibus arx est,
Cominus aut Princeps aggrediendus erit.
Aut æquanda solo sunt oppida dira Getarum;
Mœnia nec segni præcipit anda manu.
Fortibus indomitos nos inuenit hostis in armis,
Quodlibet armati subruimusq; solum.

Primipilus seu Tribunus om-
nium peditum.

Der oberst aller Fußknecht.

Horrída quod viridi sim bella sequutus ab æuoz
Electus peditum Duxq; comesq; vocor.
Nam puer assueui, dum lubrica sustulit ætas,
Sæpe cicatrices, vulnera sæpe pati.
Belligeras Marti datus erudiendus in artes,
Credor, quo primum tempore natus eram.
Omnibus officijs qua propter idoneus, aptum
Eligo, quisq; ferat quod patienter, onus.
Vnde senes pedites, iuuenesq; fideliter omnes,
Inseruire mihi nocte dieq; volunt.

Prætor Imperatorius. Schultheiß.

Militiæ validas ego dirigo Prætor habenas,
Et scelerum vindex acer ubiq; vocor.
Belligeras equidem dubitantibus explico leges;
Aptaq; militibus iura ministro meis.
Huc ades opprobrijs qui læsus atrocibus, aut qui
Intolerabilibus flesq; gemisq; modis.
Hic ego di scurio causas venerabilis omnes,
Quodlibet & iusta pondero lance malum.

Me